

بِسْمِ اللَّهِ الرَّحْمَنِ الرَّحِيمِ

# Khutba Jummah

HAZRAT MUHYI-UD-DIN AL-KHALIFATULLAH

*Munir Ahmad Azim*

15 Avril 2016 ~  
(07 Rajab 1437 Hijri)

(Résumé Khutba)

Après ki li fine salué tous so bane disciples (et tous bane musulmans) entier le monde avec la salutation de paix dans l'Islam, Hazrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite axé so Khutba Jummah lors « **Abandonne La Corruption & Embrasse La Vraie Dévotion!** »:

## ABANDONNE LA CORRUPTION & EMBRASSE LA VRAIE DEVOTION!

○ ظَهَرَ الْفَسَادُ فِي الْبَرِّ وَالْبَحْرِ بِمَا كَسَبَتْ أَيْدِي النَّاسِ لِيُذِيقَهُمْ بَعْضَ الَّذِي عَمِلُوا لَعَلَّهُمْ يَرْجِعُونَ

Zaharal-fasaadu fil-barri wal-bahri bima kasabat 'aydin-naasi liyuziiqahum ba'dal-lazii 'amiluu la-'allahum yarji 'uun.

« **Corruption (ou Calamité) fine vine lor la terre et dans la mer; bane actions dimounes même fine mérite sa, et Allah fine faire zot goûte (conséquences) ene partie zot propre actions. Peut-être ki zot va retourne (dans bon chemin) !** » (Ar-Roum 30: 42)

○ اقْتَرَبَتِ السَّاعَةُ وَانْشَقَّ الْقَمَرُ

'Iqtarabatis-Saa-'atu wan-shaqqal-Qamar.

« **L'Heure approché et la lune pou fanne.** » (Al-Qamar 54: 2)

Bane siècles avant l'avènement du Saint Prophète Muhammad (saws) fine conne ene baisse constant dans bane zaffaires humaines. Si nous guette en arrière, la détérioration de bane conditions politiques et sociales zot évident au niveau internationale dans l'histoire de bane nations situées dans l'Europe, dans l'Amérique, dans l'Asie, dans l'Afrique et dans bane pays arabes. Sa bane moments là fine témoins aussi de l'avènement de bane prophètes, de bane

réformateurs et avertisseurs ki ti vini pour donne ene alerte lors bane situations ki ti pé prévaloir dans bane zaffaires religieux, humains et même politiques. Azordi zour, même bane z'îles pas épargné par sa bane dégradations et sa bane l'états pitoiyabe là. Maurice, malgré ki li ene l'île paradis fine également infecté par sa zarre de corruption là, dans tous bane domaines.

Le Saint Quran comme ene source précieux d'information et de guidance donne beaucoup de détail lor sa sujet là.

Ene vrai message religieux vine à ene moment kot l'humanité li dans ene période d'obscurité. Li guide l'homme pou fassonne so la vie d'ene manière approprié en relation avec Allah (Bondié) et l'humanité, et li permette à l'homme pou atteindre le but pour lequel li fine être créé, c'est-à-dire, pou adore Allah. En d'autres mots, l'état du monde avec l'avènement d'ene vrai prophète d'Allah li telle ki bane conditions morales et spirituelles de l'homme fine vine déplorables, et bane progrès arrêté ziska ki l'humanité gagne de nouvo la capacité pou mette en pratique so bane devoirs morales et spirituelles lors ene baze quotidien, d'ene façon noble et bénéfique. Bane telles conditions de l'homme – kan ene l'âge (l'époque) de noireté apparaîte et kan ene nouveau message religieux vini – trouve également dans l'histoire politique de bane nations.

Le Saint Quran dire: **Zaharal Fasaadu**, ki la corruption fine vini, fine paraîte, et ki l'humanité à sa l'époque là fine vine corrompu à cause de zot bane propres actions. Dans ene l'autre place, le Quran Shareef indique également ki l'heure fine vini pour la réforme morale et spirituelle de l'homme. Mais saki nous bizin garde à l'esprit c'est ki le Saint Quran cause avec nous azordi avec même vitalité et urgence pareil couma li ti adresse bane peuples dans le passé, c'est-à-dire, prend dépi le Saint Prophète Muhammad (saws) et bane premiers croyants. Le thème principal de bane versets précédents de Surah Ar-Roum (Ar-Roum 30: 9-41) consisté à développe et inculqué à l'homme la croyance dans ene Bondié Grand et Tout-Puissant qui créer, contrôle et régler et qui guide tous bane la vie du début ziska la fin des temps.

Dans présent verset ki mo fine récité devant zot (Ar-Roum 30: 42) Allah pé dire nous ki kan l'obscurité enveloppe la face de la terre complètement et ki l'homme oublier Allah et livré li à bane cultes de bane dieux de zot propres création (bane fausses dieux) et ki sorti de zot propre l'imagination, alors Allah élève ene prophète « *pou ramène le troupeau égaré dans bercaiye du Maître* ». Bane mots « *la terre* » et « *la mer* » capave veut dire:

- a) bane Nations ki zot bane cultures et civilisations ti basée uniquement lor la raison (zot bane raisonnement limité) et aussi lors l'expérience humaine collective, et aussi bane ki zot bane cultures et civilisations ti fondé lor bane révélations divines;
- b) bane peuples ki vivre dans bane l'îles.

Sa verset là veut dire ki tous bane nations du monde ti vine complètement corrompu ki li au niveau politique, sociale et morale.

Deuxièmement, la lune, dans *Shaqqaal-Qamar*, dans deuxième verset ki mo ti mentionné (Al-Qamar 54: 2) capave représente le pouvoir politique arabe, ou le pouvoir politique en général, ki ti près pou tomber ou renverser et ki L'Heure, *Al-Saa'ah*, ti bizin vini pour faire ene révolution spirituelle ki ti bizin affecter tous bane domaines d'activités de bane dimounes. L'apparition et la vigueur de bane nations, et parfois zot croissance kan zot fine transformer en bane l'empires, commence souvent avec ene message ou ene philosophie de baze autour de quoi ene système politique développer. Toutefois, sa bane systèmes politiques là pas capave servi pou réponne à bane besoins de la nation indéfiniment, et sa li évident kan sa bane nations ou l'empires là tomber. Dans bane cinquième, sixième et septième siècles, sa bane systèmes politiques là ti arrive à zot déclin et ti pé lutter pou survivre mais sans succès.

Bien ki bane dirigeants extraordinaires fine vini et fine réorganise et réitalize la nation, mais chute de sa bane nations là ti inévitable et ancien philosophie ki zot ti pé servi pas fine servi zot nannié pou sauve zot bane nations. Dans ene tel moment de déclin, au début du septième siècle (de l'ère Chrétienne), ene prophète d'Allah fine faire so l'apparition et li fine vini avec ene message universel pour toute l'humanité. L'acceptation ou rejé de sa nouveau message là – kot bane nations ti capave remplace zot ancien message et commence ene nouvo l'époque de zot l'histoire – fine ena bane l'effets importants lor l'histoire de sa bane nations là.

Nous trouver ki bane progrès de l'homme à travers la civilisation ti le produit de bane la lois sociales bien défini ki exige le strict respect de sa bane la lois là. De toute évidence, ene bon religion ti bizin contenir ene code complet de bane règles de conduite morale ki propice à l'élévation spirituelle de l'homme. Sa bon religion là ti bizin distingue ki bane bon morale été et ki bane mauvais morale été et li ti bizin défini clairement bane moyens pou atteindre bane bons morales là et pou évite saki mauvais là. Encore ene fois, ene religion ki pas bien structuré et ki pas nécessite la réalisation de bane bons morales li destiné pou tomber, kot bizin mette li sur le côté, à l'écare. Li ti pou ene l'avantage considérable si la religion ti capave également fournir ene solution adapté à bane problèmes sociales ki l'humanité pé fer face azordi.

Ene bon religion pas capave ignore ki l'homme li ene animal social et sa religion là pas capave laisse sa sujet là pour bane politiciens. Alors li nécessaire pour sa religion là ki li fixer certains principes ki contrôle ou réglémente conduite sociale de l'homme (par exemple, concernant mariage, la vie familiale, bon voisinaze), de sorte ki la paix et l'ordre capave établi. Bane droits et privilèges de tous bane classes (sociales) de bane dimounes bizin protégé d'ene manière adéquoi.

Bien ki les règlements et la lois pour le gouvernement de la société capave être encadré, mais selman malheureusement bien souvent sa bane règlements là souffert de bane favoritisme ou préjugé par ene dimoune en particulier ou par ene groupe de bane dimounes ki ena bane l'intérêts ou bane loyautés politiques. Zis Allah tousel capave encadrer équitablement sa bane règlements ou la lois là avec ene perspective ki pas toucher par l'intruzion de l'intérêt

personnel. Ene religion ki fidèle à so l'identité (en tant ki ene religion, ene bon religion) li bizin ena bane bon rapport national (interne), et li bizin gardien bane droits et bane devoirs de bane cotoiyens, et la relation entre ene maître et so serviteur, entre ene chef et bane ki sous li (sous so responsabilités et ki travaille pou li), entre bane riches et pauvres, bane suivants d'ene religion en particulier et bane les autres religions aussi, etc., et alors sa religion là bizin conné couma pou faire implémente sa bane droits et devoirs là (en respect à tous sa bane groupes de dimounes là). Ene religion ki pas réussi dans sa bane travailles là pas capave mérite pou appelle li par sa nom « *religion* » là, parski ene telle religion pas ena la capacité pou contrôle la communauté (de bane dimounes) ki pé suivre li, et alors ene telle religion ki pas capave même contrôle communauté de bane dimounes ki pé suivre li, pas pou capave aussi maintenir so relation le reste de l'humanité. C'est dans sa catégorie là ki ene certain nombre de bane croyances bien établies dans le monde fine fail (échoué) parski zot bane religions fine manque guidances adéquoi lors zot ou à cause de la nature de zot l'origine kot zot pas destiné pou zoué ene rôle universel, mais ene rôle limité ki restrain (limité) à certaines personnes, et à ene certain moment seulement. Sa li ene de bane causes principales de l'irréligion (absence de religion) parski kan bane dimounes tourne vers ene telle religion (faible) pour fourni li bane conseils ki li bizin, alors sa guidance ki li recevoir là li pas assez ; ena kitchose ki manquer dans sa bane guidances ki li recevoir là. Mais l'Islam, le mode de vie parfait, et vraie la religion de l'homme, c'est li (l'Islam) ki ena tout capacité pou administrer bane z'affaires internes et externes de l'homme, ki li au niveau de so l'âme même et de so l'environnement et so place dans la société et l'Islam, la religion parfait, li réponde à bane besoins de so l'âme et de so bane réalisations spirituelles aussi.

La corruption fine paraite lor la terre, et sa explosion du mal là paraite pli dangéré et diabolique ki saki fine vini avant dans le passé, parski li pé ronze tous bane nations, grands ou petits de l'intérieur et ainsi ki à l'extérieur. Bane dimounes népli protégé contre sa bane mals là, parski zot fine exclure zot-même de sa protection nécessaire là ; zot fine reste loin avec li, parski zot ti bizin ena confiance dans Allah et reste attacher avec Li. Zot fine délaisse la spiritualité et la bonté ki ti ena dans zot et zot fine préfère attache zot à bane z'affaires matériels de sa le monde là, et zot fine vine gourmand pou gagne plisse l'argent et pouvoir. L'Islam, azordi encore li toujours en vie, so bane l'enseignements zot encore en vie et li valable pour tous les temps, même pour nous l'époque, et nous bizin révine vers le Quran Shareef. Sa bane corruptions là, *Insha-Allah* pou seulement paraite couma ene cauchemar temporaire si bane dimounes de bonne volonté rode sorti de l'obscurité de zot l'existence et zot rode Allah.

Mo faire *duah* pour ki Allah faire zot compran le but de sa Khutba là, en particulier dans le contexte de sa le monde corrompu là, ki jour après jour pé aggravé. Maurice, sa ti l'île dans l'océan Indien là li pas également épargnée par tous sa bane types de corruption là. Depuis plisse ki ene mois, nous pé témoigne couma corruption de bane ministres du gouvernement pé faire surface dans lizié du public. Sa l'état de corruption là fine atteindre sak coin et recoin du monde, kot ena bane présidents, bane ministres et bane les autres grands personnalités ki fine vine corrompu. Donc, nous bizin prier pour tous bane dimounes à travers le monde, afin ki le

voile de l'ignorance tomber et ki Allah Le Tout-Puissant protège zot contre toutes sortes de tentations de Shaytan et de so l'armée. Ki Allah ena pitié de sa bane dimounes là, lors nous tous ki pé vive dans sa le monde temporaire là.

Ki Allah enlever sa bane kalité (mauvais dimounes corrompu là) de sa le monde là ou pardonne zot, de sorte ki seule la propagation de la bonté rester et ki tous bane l'effets sataniques disparaite petit à petit. Mo fer *duah* ki Hazrat Nuh (as) ti faire :

**Rabbi laa tazar 'alal 'ardi minal-kaafiriina dayyaaraa! 'Innaka 'in-tazarhum yudilluu 'ibaadaka wa laa yaliduuu 'illaa faajiran-kaffaaraa! Rabbighfir lii wa liwaalidayya wa liman dakhala baytiya Mu'-minaww wa lil Mu'-miniina wal Mu'-minaat wa laa tazidizzalimina 'illaa tabaaraa!**

***« O mo Maître, pas laisse aucaine habitant non croyant lor la terre. Si To laisse zot, zot pou égare To bane serviteurs et zot pou donne naissance à bane ki faire péchés et refuse croire. O mo Maître, pardonne moi, mo papa-mama et tout croyant ki rentre dans mo la caze, et tous bane croyants hommes et femmes. Augmente seulement la perte bane malfaiteurs. » Ameen.***